

摘藻堂四庫全書薈要

集部

欽定四庫全書薈要卷一萬七千八百七十八

集部

御定全唐詩卷四百七十三

李逢吉

李逢吉字虛舟隴西人登進士第元和長慶兩朝嘗再為宰相太和中以司徒致仕卒謚曰成其詩與令狐楚同編者名斷金集今存八首

享惠昭太子廟樂章

既潔酒醴聿陳腍腥肅將震念昭格儲靈展矣禮典薰

然德馨悃悃管磬亦具是聽

望京樓

一作臺

上寄令狐華州

祇役滯南服  
頽思屬暮年  
閒上望京臺  
萬山蔽其前  
落日歸飛翼  
連翩東北天  
涪江適在下  
為我久潺湲  
中葉成文教  
德威清遠邊  
頌條信徒爾  
華髮生蒼然  
寄懷三峰守岐路  
隔雲煙

再赴襄陽辱宣武相公貽詩今用奉酬

解鞍辭丹禁  
揚旌去赤墀  
自驚非素望  
何力及清時  
又

據三公席多慙四老祠峴山風已遠棠樹事難追江漢  
饒春色荆蠻足夢思唯憐吐鳳句相示鑿龍期

奉送李相公重鎮襄陽

海內埏埴徧漢陰旌旆還望留丹闕下恩在紫霄間水  
雪背秦嶺風煙經武關樹皆人尚愛轅即吏曾攀自惜  
兩心合相看雙鬢斑終期謝戎務同隱鑿龍山

和嚴揆省中宿齋遇令狐員外當直之作

致齋分直宿南宮越石盧謀此夜同位極班行猶念舊

名題章奏亦從公曾驅爪士三邊靜新贈髯參六義窮  
竟夕文昌知有月可憐如在庾樓中

奉酬忠武李相公見寄

直繼先朝衛與英能移孝友作忠貞劔門失險曾縛一作

搏虎淮水安流緣斬鯨黃閣碧幢惟是儉三公二伯未  
為榮惠連忽贈池塘句又遣羸師破膽驚

酬致政楊祭酒見寄

初還相印罷戎旃獲守皇居在紫煙安比鄴侯功茂爾

每懷疏傅意

思一作

悠然應將半俸霑閭里料入中條訪

洞天十載別離那可道倍令驚喜見來篇

送令狐秀才赴舉

子有雄文藻思繁  
齡年射策向金門  
前隨鸞鶴登霄漢  
却望風沙走塞垣  
獨憶忘機陪出處  
自憐何力繼飛翻  
那堪兩地生離緒  
蓬戶長扃行旅喧

于頔

于頔字允元河南人以蔭補千牛擢累駕部郎中湖蘇

二州刺史襄州節度觀察使元和初拜司空尋貶恩王  
傅終太子賓客詩二首

郡齋臥疾贈畫上人

夙陪翰墨徒深論窮文格麗則風騷後公然我詞客晚  
依方外友極理探精蹟胷合南北宗畫公我禪伯尤明  
性不染故我行貞白隨順令得解故我言芳澤雲水漾  
清潯吳山橫碧岑含珠復蘊玉價重雙南金的鑠曜奇  
彩淒清流雅音商聲發楚調調切譜瑤琴吳山為我高

雲水為我深萬景徒有象孤雲本無心衆木豈無聲倚  
桐有清響衆耳豈不聆鍾期有真賞高潔古人操素懷  
夙所仰覲君冰雪姿祛我淫滯想當吟柳惲詩茗浦久  
相思逮此遠為郡蘋洲芳草衰逢師年臘長值我病容  
羸共話無生理聊用契心期

和丘員外題湛長史舊居

蕭條歷山下水木無氛滓王門結長裾巖扃怡暮齒昔  
賢枕高躅今彥仰知止依依矚煙霞眷眷返墟里湛生



久已沒丘也亦同恥立言咸不朽何必在青史

盧景亮

盧景亮字長晦范陽人少孤力學善屬文德宗時歷右  
補闕鯁毅無所回貶斥二十年至元和初召還再遷中  
書舍人詩一首

寒夜聞霜鐘

洪鐘發長夜清響出層岑暗入繁霜切遙傳古寺深何  
城亂遠漏幾處雜踈砧已警離人夢仍霑旅客襟待時

當命侶抱器本無心儻若無知者誰能設此音

李渤

李渤字濟之洛陽人少隱嵩山元和中徵為著作郎敬宗時由考功郎中拜給事中伉直敢言出為桂管觀察使詩五首

南溪詩 并序

桂水離山右匯陽江數里餘得南溪口溪左屏外崖巘鬪鹿爭高其孕翠曳煙邈迤如畫左連幽墅

園田雞犬疑非人間沂流數百步至巖巖下有灣  
壤沮洳因導為新泉山有二洞九室西南曰白龍  
洞橫透巽維蛻骨如玉西北曰玄巖洞曲通坎隅  
晴眺灑水玄巖之上曰丹室白龍之右曰夕室巽  
維北梯險至仙窟北又有石室參差呀豁延景宿  
雲其洞室並乳溜凝化詭勢竒狀俯而察之如傘  
如傘如欒櫨支撐如蓮蔓藻井左睨右瞰似簾似  
幃似松偃竹裊似海蕩雲驚其玉池井嵐颺迴還

交錯迷不可紀從夕室梁溪向郭四里而近去松  
衢二百步而遙余獲之若獲荆璆與地球焉亦疑  
夫大舜遊此而忘歸矣遂命發潛敞深磴危宅既  
翼之以亭榭又韻之以松竹似讌方丈似昇瑤臺  
麗如也暢如也以溪在郡之南因目為南溪兼賦  
詩以紀之寶曆三年三月七日

玄巖麗南溪新泉發幽色巖泉孕靈秀雲煙紛崖壁斜  
峰信天插竒洞固神闢窈窕去未窮環迴勢難極玉池

似無水玄井昏不測仙戶掩復開乳膏凝更滴丹砂有  
遺址石徑無留跡南眺蒼梧雲北望洞庭客蕭條風煙  
外爽朗形神寂若值浮丘翁從此謝塵役

喜弟淑再至為長歌

第六句  
缺四字

前年別時秋九月白露吹霜金吹烈離鴻一別影初分  
淚袖雙揮心哽咽別來幾度得音書南岳知

廬山峨峨倚天碧捧排空崖千萬尺社牘長題高士名  
食堂每記雲山跡我本開雲此山住偶為名利相縈誤

自負心機四十年，羞聞社客山中篇。  
憂時魂夢憶歸路，覺來疑在林中眠。  
昨日亭前烏鵲喜，果得今朝爾來此。  
吾吟行路五十篇，盡說江南數千里。  
自憐兄弟今五人，共縈儒素家尚貧。  
雖然廩餼各不一，就中總免拘常倫。  
長兄年少曾落拓，拔劍沙場隨衛霍。  
口裏雖譚周孔文，懷中不舍孫吳略。  
次兄一生能苦節，夏聚流螢冬映雪。  
非論疾惡志如霜，更覺臨泉心似鐵。  
第三之兄更奇異，昂昂獨負青雲志。  
下看金玉不如泥，冒道王侯身可貴。

却愁清逸不干時高蹤大器無人知倘逢感激許然諾  
必能萬古留清規念爾年來方二十夙夜孜孜能獨立  
卷中筆落星漢搖洞裏丹靈鬼神泣嗟余流浪心最狂  
十年學劍逢時康心中不解事拘束世間談笑多相妨  
廣海青山殊未足逢著高樓還醉宿朝走安公櫪上駒  
暮倫陶令籬邊菊近來詩思殊無況苦被時流不相放  
雲騰浪走勢未衰鶴膝蜂腰豈能障送爾為文殊不識  
貴從一一傳胃臆若到湖南見紫霄會須待我同攀陟

留別南溪二首

常歎春泉去不回我今此去更難來  
欲知別後留情處手種巖花次第開

如雲不厭蒼梧遠似鴈逢春又北歸  
惟有隱山溪上月年年相望兩依依

桂林歎鴈

三朝四黜倦遐征往復皆愁萬里程  
爾解分飛却回去我方從此向南行



孟簡

孟簡字幾道德州人舉進士宏詞皆及第元和中累官至戶部侍郎坐事貶吉州司馬詩七首

享惠昭太子廟樂章

喧喧金石容既缺肅肅羽駕就行列  
緌山遺響昔所聞廟庭進旅今攸設

擬古

劍客不誇貌主人知此心  
但營纖毫義肯計千萬金  
勇

發看鷲擊憤來聽虎吟平生貴酬德刃敵無幽深

詠歐陽行周事

并序

閩越之英惟歐陽生以能文擢第爰始一命食太  
學之祿助成均之教有庸績矣我唐貞元年己卯  
歲曾獻書相府論大事風韻清雅詞旨切直會東  
方軍興府縣未暇慰薦久之倦游太原還來帝京  
卒官靈臺悲夫生於單貧以狗名故心專勤儉不  
識聲色及茲筮仕未知洞房織腰之為蠱惑初抵

太原居大將軍宴席上有妓北方之尤者屢目於  
生生感悅之留賞累月以為燕婉之樂盡在是矣  
既而南轅妓請同行生曰十日所視不可不畏辭  
焉請待至都而來迎許之乃去生竟以蹇連不克  
如約過期命甲遣乘密往迎妓妓因積望成疾不  
可為也先死之夕剪其雲髻謂侍兒曰所歡應訪  
我當以髻為贖甲至得之以乘空歸授髻於生生  
為之慟怨涉旬而生亦歿則韓退之作何蕃書所

謂歐陽詹生者也河南穆玄道訪予常歎息其事  
嗚呼鍾愛於男女素期效死夫亦不蔽也大凡以  
斷割不為麗色所汨豈若是乎古樂府詩有華山  
畿玉臺新詠有廬江小吏相死或類於此暇日偶  
作詩以繼之云

有客西北逐驅馬次太原太原有佳人神豔照行雲座  
上轉橫波流光注夫君夫君意蕩漾即日相交歡定情  
非一詞結念誓青山生死不變易中誠無間言此為太

學徒彼屬北府官中夜欲相從嚴城限軍門白日欲同  
居君畏仁人聞忽如隴頭水坐作東西分驚離腸干結  
滴淚眼雙昏本達京師迴賀期相追攀宿約始乖阻彼  
憂已纏綿高髻若黃鸝危鬢如玉蟬織手自整理剪刀  
斷其根柔情託侍兒為我遺所歡所歡使者來侍兒因  
復前拭淚取遺寄深誠祈為傳封來贈君子願言慰窮  
泉使者迴復命遲遲蓄悲酸詹生喜言旋倒屣走迎門  
長跪聽未畢驚傷涕漣漣不飲亦不食衷心百千端襟

情一夕空精爽旦日殘哀哉浩然氣潰散歸化元短生  
雖別離長夜無阻難雙魂終會合兩劍遂蜿蜒丈夫早  
通脫巧笑安能干防身本苦節一去何由還後生莫沈  
迷沈迷喪其真

惜分陰

業廣因功苦拳拳志士心九流難酌挹四海易消沈對  
景嗟移晷窺園詎改陰三冬勞聚學駟景重兼金刺股  
情方勵偷光思益深再中如可冀終嗣絕編音

嘉禾合穎

玉燭將成歲封人亦自歌  
八方霑聖澤異畝發嘉禾  
共秀芳何遠連莖瑞且多  
穎低甘露滴影亂惠風過  
表稔由神化為祥識氣和  
因知興嗣歲王道舊無頗

賦得亞父碎玉斗

獻謀既我違積憤從心瘳  
鴻門入已迫赤帝時潛退  
寶位方苦競玉斗何情愛  
猶看虹氣凝詎惜冰姿碎  
而嗟大事返當起千里悔  
誰為西楚王坐見東城潰

酬施先輩

襄陽才子得聲多四海皆傳古鏡歌  
樂府正聲三百首  
黎園新入教青娥

王仲舒

王仲舒字弘中并州祁人少客江南與梁肅楊憑游並  
有文名元和初為職方郎中知制誥穆宗初為中書舍  
人終江南西道觀察使詩一首

寄李十員外



百丈懸泉舊卧龍欲將肝膽佐時雍惟愁又入煙霞去  
知在廬峰第幾重

孫革

一作華

孫革憲宗朝為監察御史詩一首

訪羊尊師

一作賈島詩

松下問童子言師採藥去只在此山中雲深不知處

汪萬於

汪萬於字叔振歙人憲宗時為江陵戶曹參軍詩一首

晚眺

杖策倚柴門，泉聲隔岸聞。  
夕陽諸嶺出，晴雪萬山分。  
靜對豺狼窟，幽觀鹿豕羣。  
今宵寒月近，東北埽浮雲。

何儒亮

何儒亮與孟簡同時人詩一首

亞父碎玉斗

嬴女昔解網，楚王有遺躅。  
破關既定秦，碎首聞獻玉。  
貞姿應刃散，清響因風續。  
匪狗切泥功，將明懷壁辱。  
莫量

漢祖德空受項君勛事去見前心千秋渭水綠

李宗閔

李宗閔字損之擢進士補洛陽尉累官駕部郎中知制誥穆宗即位拜中書舍人寶曆初進兵部侍郎太和中同中書門下平章事遷中書侍郎出為山南西道節度使尋復秉政後貶死詩一首

贈毛仙翁

不知仙客占青春肌骨纔教稱兩旬俗眼暫驚相見日

疑心未測幾時人  
閒推甲子經何代  
笑說浮生老此身  
殘藥僮能沾朽質  
願將霄漢永為鄰

韋表微

韋表微字子明  
擢進士第數辟  
諸使府入授監  
察御史裏行俄  
為翰林學士知  
制誥久之遷中  
書舍人文宗立  
進戶部侍郎卒  
贈禮部尚書詩  
一首

池州夫子廟麟臺


二儀既閉三象乃乖  
聖道埋鬱人心不開  
上無文武下

有定哀吁嗟麟兮孰為來哉周雖不綱孔實嗣聖詩書  
既刪禮樂大定勸善懲惡姦邪乃正吁嗟麟兮克昭符  
命聖與時合化行位尊苟或乖戾身窮道存於昭魯已  
棲遲孔門吁嗟麟兮孰知其仁運極數殘德至時否楚  
國寢廣秦封益侈牆仞迫阨崎嶇闕里吁嗟麟兮靡有  
攸止世治則麟世亂則麇出非其時麋鹿同羣孔不自  
聖麟不自祥吁嗟麟兮天何所亡

御定全唐詩卷四百七十三

謹案卷四百七十三第七頁前五行長兄年少曾  
落拓刊本拓訛托據別本改





總校官庶吉士 臣 張能照

校對官庶吉士 臣 翟 槐

謄錄監生 臣 李真滋

謄錄監生 臣 馬植基



欽定四庫全書薈要

集部

御定全唐詩卷四百七十四

詳校官原任主事臣李斯咏

欽定四庫全書蒼要卷一萬七千八百七十九

集部

御定全唐詩卷四百七十四

徐凝

陸州人元和中官至侍郎詩一卷

送馬向入蜀

遊子出咸京巴山萬里程白雲連鳥道青壁遶猿聲  
雨雪經泥坂煙花望錦城文人共許應紀蜀中行

送李補闕歸朝



駟馬歸咸秦

一作咸陽

雙鳧出

一作去

海門還從清切禁再沐

聖明恩禮樂中朝貴

一作盛

文章大雅存江湖多放

一作旅

逸獻替欲誰論

送日本使還

絕國將無外扶桑更有東  
來朝逢聖日歸去及秋風  
夜泛潮迴際晨征蒼莽中  
鯨波騰水府蜃氣壯仙宮  
天眷何期遠王文久已同  
相望杳不見離恨托飛鴻

題開元寺牡丹

此花南地知難種，慚愧僧閑用意栽。  
海燕解憐頻睨，胡蜂未識更徘徊。  
虛生芍藥徒勞妒，羞殺玫瑰不敢開。  
惟有數苞紅萼在，含芳只待舍人來。

香爐峰

香爐一峰絕頂在，寺門前盡是玲瓏。  
石時生旦暮煙。

白銅鞮

騷裏錦障泥，樓頭日又西。  
留歡住不住，素齒白銅鞮。

楊叛兒

哀怨楊叛兒  
貽蕩郎知否  
香死博山爐  
煙生白門柳

春寒

亂雪從教舞  
回風任聽吹  
春寒能作底  
已被柳條欺

廬山獨夜

寒空五老雪  
斜月九江雲  
鐘聲知何處  
蒼蒼樹裏聞

天台獨夜

銀地秋月色  
石梁夜溪聲  
誰知屐齒盡  
為破煙一作蒼  
苔

行

送寒巖歸士

不挂絲纒衣歸向寒巖棲寒巖風雪夜又過巖前溪

送陳司馬

家寄茅洞中身遊越城下寧知許長史不憶陳司馬

武夷山仙城

武夷無上路毛徑不通風欲共麻姑住仙山半在空

避暑二首

一株金染密數畝碧鮮疎避暑臨溪坐何妨直釣魚

斑多筒簟冷，髮少角冠清。避暑長林下，寒蟬又有聲。

浙西李尚書奏毀淫昏廟

傳聞廢淫祀，萬里靜山陂。欲慰靈均恨，先燒靳尚祠。

酬相公再遊雲門寺

遠羨五雲路，逶迤千騎回。遺簪唯一去，貴賞不重來。

杭州祝濤頭二首

不道沙堤盡，猶欺石棧頑。寄言飛白雪，休去打青山。  
倒打錢塘郭，長驅白浪花。吞吳休得也，輸却五千家。

問漁叟

生事同漂梗機心在野船如何臨逝水白髮未忘筌

雲封菴

登巖背山河立石秋風裏隱見浙江濤一尺東溝水

漢宮曲

水色簾前流玉霜趙家飛燕侍昭陽掌中舞罷簫聲絕  
三十六宮秋夜長

和嵩陽客月夜憶上清人



獨夜嵩陽憶上仙，月明三十六峰前。  
瑤池月勝嵩陽月，人在玉清眠不眠。

八月望夕雨

今年八月十五夜，寒雨蕭蕭不可聞。  
如練如霜在何處，吳山越水萬重雲。

觀浙江濤

一作看潮

浙江悠悠海西綠

一作曲

驚濤日夜

一作日破濤

兩翻覆錢塘

郭裏看潮人直至

一作到

白頭看不足

廬山瀑布

虛空落泉

一作瀑布

千仞

一作丈

直雷奔入江海

一作

不暫息

今古長如白練飛一條界

一作解

破青山色

嘉興寒食

嘉興郭裏逢寒食落日家家拜掃回  
唯有縣前蘇小小無人送與紙錢來

憶揚州

蕭娘臉下難勝淚桃葉著頭

一作尖

易得愁天下三分明

月夜二分無賴是揚州

八月燈夕寄游越施秀才

四天淨色寒如水八月清輝冷似霜  
想得越人今夜見孟家珠在鏡中央

八月十五夜

皎皎秋空八月圓常娥端正桂枝鮮  
一年無似如今夜十二峰前看不眠

題伍員廟

千載空祠雲海頭  
夫差亡國已千秋  
浙波只有靈濤在  
拜奠青山人不休

員嶠先生

員嶠先生無白髮  
海煙深處採青芝  
達人借問陶唐主  
欲進冰蠶五色絲

莫愁曲

玳瑁牀頭刺戰袍  
碧紗窗外葉騷騷  
若為教作遼西夢  
月冷如丁一作針風似刀

寄白司馬

三條九陌花時節萬戶千車看牡丹  
爭遣江州白司馬  
五年風景憶長安

相思林

遊客遠遊新過嶺每逢芳樹問芳名  
長林遍是相思樹  
爭遣愁人獨自行

寄海嶠丈人

萬丈只愁滄海淺一身誰測歲華遙  
自言來此雲邊住

曾看秦王樹石橋

寄潘先生

至人知姓不知名  
聞道黃金骨節輕  
世上仙方無覓處  
欲來西岳事先生

宮中曲二首

披香侍宴插山花  
厭著龍綃著越紗  
恃賴傾城人不及  
檀妝唯約數條霞

身輕入寵盡恩私  
腰細偏能舞柘枝  
一日新妝拋舊樣

六宮爭畫黑煙箬

七夕

一道鵲橋橫渺渺  
千聲玉佩過玲玲  
別離還有經年客  
悵望不如河鼓星

八月九月望夕雨

八月繁雲連九月  
兩回三五晦漫漫  
一年悵望秋將盡  
不得嫦娥正面看

喜雪

長愛謝家能詠雪今朝見雪亦狂歌  
楊花道即偷人句  
不那楊花似雪何

春飲

烏家若下蟻還浮白玉尊前倒即休  
不是春來偏愛酒  
應須得酒遣春愁

二月望日

長短一年相似夜中秋未必勝中春  
不寒不暖看明月  
況是從來少睡人



讀遠書

兩轉三回讀遠書  
畫簷愁見燕歸初  
百花時節教人懶  
雲髻朝來不欲梳

古樹

古樹欹斜臨古道  
枝不生花腹生草  
行人不見樹少時  
樹見行人幾番老

獨住僧

百補袈裟一比丘  
數莖長曉覆青眸  
多應獨住山林慣

唯照寒泉自剃頭

傷畫松道芬上人

因畫釣臺  
江山而遊

百法驅馳百年壽五勞消瘦五株松  
昨來聞道巖陵死  
畫到青山第幾重

觀釣臺畫圖

一水寂寥青霽合兩崖崔嵬白雲殘  
畫人心到啼猿破  
欲作三聲出樹難

荆巫夢思

楚水白波風嫋嫋  
荆門暮色雨蕭蕭  
相思合眼夢何處  
十二峰高已字遙

浙東故孟尚書種柳

孟家種柳東城去  
臨水逶迤思故人  
不似當時大司馬  
重來得見漢南春

長洲覽古

吳王上國長洲奢  
翠黛寒江一道斜  
傷見摧殘舊宮樹  
美人曾插九枝花

却歸舊山望月有寄

年年明月總相似  
大抵人情自不同  
今夜故山依舊見  
班家扇樣碧峰東

再歸松溪舊居宿西林

五粒松深溪水清  
衆山搖落月偏明  
西林靜夜重來宿  
暗記人家犬吠聲

翫花五首

一樹梨花春向暮  
雪枝殘處怨風來  
明朝漸校無多去

看到黃昏不欲回

麴塵溪上素紅枝影在溪流半落時  
時人自惜花腸斷  
春風却是等閒吹

朱霞燄燄山枝動  
綠野聲聲杜宇來  
誰為蜀王身作鳥  
自啼還自有花開

誰家躑躅青林裏  
半見殷花燄燄枝  
憶得倡樓人送客  
深紅衫子影門時

花到薔薇明豔絕  
燕支顆破麥風秋  
一番弄色一番退

小婦輕妝大婦愁

長慶春

山頭水色薄籠煙  
久客新愁長慶年  
身上五勞仍病酒  
天桃窗下背花眠

山鷓鴣詞

南越嶺頭山鷓鴣  
傳是當時守貞女  
化為飛鳥怨何人  
猶有啼聲帶蠻語

鄭女出參丈人詞

鳳釵翠翹雙宛轉  
出見丈人梳洗晚  
掣曳羅綃跪拜時  
柳條無力花枝軟

春雨

花時悶見聯綿雨  
雲入人家水毀堤  
昨日春風源上路  
可憐紅錦枉拋泥

和白使君木蘭花

枝枝轉勢雕弓動  
片片搖光玉劍斜  
見說木蘭征戍女  
不知那作酒邊花

正月十五夜呈幕中諸公

宵遊二萬七千人  
獨坐重城圈一身  
步月遊山俱不得  
可憐辜負白頭春

樂府新詩

一聲盧女十三弦  
早嫁城西好少年  
不羨越溪歌者苦  
采蓮歸去綠窗眠

春陪相公看花宴會二首

丞相邀歡事事同  
玉簫金管咽東風  
百分春酒莫辭醉



明日的無今日紅

木蘭花謝可憐條  
遠道音書轉寂寥  
春去一年春又盡  
幾回空上望江橋

牡丹

何人不愛牡丹花  
占斷城中好物華  
疑是洛川神女作  
千嬌萬態破朝霞

過馬當

風波隱隱石蒼蒼  
送客靈鴉拂去檣  
三月盡頭雲葉秀

小姑新著好衣裳

金谷覽古

金谷園中數尺土，問人知是綠珠室。  
綠珠歌舞天下絕，唯與石家生禍胎。

上陽紅葉

洛下三分紅葉秋，二分翻作上陽愁。  
千聲萬片御溝上，一片出宮何處流。

洛城秋砧

三川水上秋砧發五鳳樓前明月新誰為秋砧明月夜  
洛陽城裏更愁人

和川守侍郎緱山題仙廟

王子緱山石殿明白家詩句詠吹笙安知散席人間曲  
不是寥天鶴上聲

和夜題玉泉寺

歲歲雲山玉泉寺年年車馬洛陽塵風清月冷水邊宿  
詩好官高能幾人

和秋遊洛陽

洛陽自古多才子  
唯愛春風爛漫游  
今到白家詩句出  
無人不詠洛陽秋

和嘲春風

源上拂桃燒水發  
江邊吹杏暗園開  
可憐半死龍門樹  
懊惱春風作底來

侍郎宅泛池

蓮子花邊回竹岸  
鷄頭葉上盪蘭舟  
誰知洛北朱門裏

便到江南綠水遊

和侍郎邀宿不至

蟾蜍有色門應鎖  
街鼓無聲夜自深  
料得白家詩思苦  
一篇詩了一彈琴

自鄂渚至河南將歸江外留辭侍郎

一生所遇唯元白  
天下無人重布衣  
欲別朱門淚先盡  
白頭遊子白身歸

蠻入西川後

守隘一夫何處在長橋萬里只堪傷紛紛塞外烏蠻賊  
驅盡江頭濯錦娘

憶紫溪

長憶紫溪春欲盡千巖交映水回斜巖空水滿溪自紫  
水態更籠南燭花

誇紅槿

誰道槿花生感促可憐相計半年紅何如桃李無多少  
併打千枝一夜風

題縉雲山鼎池二首

黃帝旌旗去不回  
空餘片石碧崔嵬  
有時風卷鼎湖浪  
散作晴天雨點來

天地茫茫成古今  
仙都凡有幾人尋  
到來唯見山高下  
只是不知湖淺深

宿冽上人房

浮生不定若蓬飄  
林下真僧偶見招  
覺後始知身是夢  
更聞寒雨滴芭蕉

汴河覽古

煬帝龍舟向此行  
三千宮女采橈輕  
渡河不似如今唱  
為是楊家怨思聲

東白丈人

昔時丈人鬢髮白  
千年松下鋤茯苓  
今來見此松樹死  
丈人斬新鬢髮青

覽鏡詞

寶鏡磨來寒水清  
青衣把就綠窗明  
潘郎懊惱新秋髮



拔却一莖生兩莖

寄玄陽先生

不能相見見人傳  
巖岸山中岱岸邊  
顏貌只如三二十  
道年三百亦藏年

白人

暖風入煙花漠漠  
白人梳洗尋常薄  
泥郎為插瓏璫釵  
爭教一朵牙雲落

奉酬元相公上元

出擁樓船千萬人，入為台輔九霄身。  
如何更羨看燈夜，曾見宮花拂面春。

奉和鸚鵡

毛羽曾經翦處殘，學人言語道暄寒。  
任饒長被金籠監，也免栖飛雨雪難。

將至妙喜寺

清風嫋嫋越水陂，遠樹蒼蒼妙喜寺。  
自有車輪與馬蹄，未曾到此波心地。

紅蕉

紅蕉曾到嶺南看  
校小芭蕉幾一般  
差是斜刀翦紅絹  
卷來開去葉中安

見少室

適我一簞孤客性  
問人三十六峰名  
青雲無忘白雲在  
便可嵩陽老此生

語兒見新月

幾處天邊見新月  
經過草市憶西施  
娟娟水宿初三夜

曾伴愁蛾到語兒

回施先輩見寄新詩二首

九幽仙子西山卷讀了  
條繩繫又開此卷玉清宮裏少  
曾尋真誥讀詩來

紫河車裏丹成也  
卓英枝頭早晚飛  
料得仙宮列仙藉  
如君進士出身稀

送沈亞之赴郢掾

千萬乘驄沈司戶  
不須惆悵郢中遊  
幾年白雪無人唱

今日唯君上雪樓

答白公

高景爭來草木頭，一生心事酒前休。  
山公自是仙一作山人，侶攜手醉登城上樓。

句

青山舊路在白首，醉還鄉別白公。試到第三橋，便入千

頃花

以上並見紀事

亂後見淮水，歸心忽迢遙。

京都還汴口作

乍

擬鯨噴浪，忽似鷁凌風。呀呷汀洲動，喧闐里巷空。  
競渡見詩

式

欽定四庫全書

御定全唐詩  
卷之五十四

元

御定全唐詩卷四百七十四

欽定四庫全書蒼要卷一萬七千八百八十

集部

御定全唐詩卷四百七十五

李德裕

李德裕字文饒趙郡人宰相吉甫子也以蔭補校書郎  
拜監察御史穆宗即位擢翰林學士再進中書舍人未  
幾授御史中丞牛僧孺李宗閔追怨吉甫出德裕為浙  
江觀察使太和三年召拜兵部侍郎宗閔秉政復出為  
鄭滑節度使踰年徙劔南西川以兵部尚書召俄拜中



書門下平章事封贊皇縣伯宗閔罷代為中書侍郎集  
賢殿大學士鄭注李訓怨之乃召宗閔拜德裕為興元  
節度使入見帝自陳願留闕下復拜兵部尚書為王璠  
李漢所譖貶太子賓客分司東都再貶袁州刺史未幾  
徙滁州開成初起為浙西觀察使遷淮南節度使武宗  
立召為門下侍郎同中書門下平章事拜太尉封衛國  
公當國凡六年威名獨重於時宣宗即位罷為荆南節  
度使白敏中令狐綯使黨人構之貶崖州司戶參軍卒

德裕少力學善為文雖在大位手不去書會昌一品集  
二十卷別集十卷外集四卷今編詩一卷

奉和聖製南郊禮畢詩

磬筦歌大呂冕裘旅天神燒蕭闔闔闔祈穀為蒸人羽  
旗灑輕雪麥隴含陽春昌運歲一作感今會王猷從此新

三臣皆就日萬國望如雲仁壽信非遠羣生方在鈞

郊壇回輿中書二相公蒙聖慈召至御馬前仰

感恩遇輒書是詩兼呈二相公

七萃和鑿動三條葆吹回相星環

一作還

日道蒼

一作馬

近龍媒

古詞歌臣馬蒼

咫尺天顏接光華喜氣來自慙衰且病

無以效涓埃

寒食日三殿侍宴奉進詩一首

宛轉龍歌節參差燕羽高風光搖禁柳霽色暖宮桃春

露明仙掌晨霞照御

一作日一作錦

袍雪凝陳組練林植聳干旄

廣樂初踰鳳神山欲抃鼉鳴笳朱鷺起疊鼓紫驂

一作騶

豪象舞嚴金鎧豐歌耀寶刀不勞孫子法自得太公韜

已上四句奉述  
內樂破陣樂

分席羅玄冕行觴舉綠醪  
中時落羽

種末乍升猱瑞景開陰翳薰風散鬱陶  
天顏歡益醉臣

節勁尤高

一作罄  
忘勞

楛矢方來貢雕弓已載橐英威揚絕

漠神算盡臨洮

已上四句奉述北  
虜款塞西戎畏威

赤縣陽和布蒼生雨

露膏野平惟有

一作秀

麥田闢久無蒿祿秩榮三事功勳

一作勤 之一毫寢謀慙汲黯秉羽貴孫教煥若遊玄圃歡

如享太牢輕生何以報祇

一作只

自比鴻毛

雨中自秘書省訪王三侍御知早入朝便入集

賢侍御任集賢校書及升栢臺又與秘閣相對  
同院張學士亦余特厚故以詩贈之

共憐獨鶴青霞姿瀛洲故山歸已遲仁者焉能效鷲鷄  
飛舞自合追長離梧桐迴齊鳩鵲觀煙雨屢拂蛟龍旗  
鴻鴈衝暎去不盡寒聲晚下天泉池顧我蓬萊靜無事  
玉版寶書藏衆瑞青編盡以一作似汲冢來科斗皆從魯  
室至金門待詔何逍遙名儒早問張子僑王褒軼材晚  
始入宮女已能傳洞簫應令栢臺長對戶別來相望獨

寥寥

奉和太原張尚書

一作相公

山亭書懷

巖石在朱戶，風泉當翠樓。始知峴亭賞，難與清暉留。餘景淡將夕，凝嵐輕欲收。東山有歸志，方接赤松遊。

奉和韋侍御陪相公遊開義五言六韻

羊公追勝槩，茲地暫逍遙。風景同南峴，丹青見北朝。石渠清夏氣，高樹激鮮飈。念法珍禽集，聞經醉象調。偶分甘露味，偏覺衆香饒。

使食僧飯故云

為問毘城

一作田

內餘薰幾

日銷

贈圓明上人

圓公佛頂之最

遠公說易長松下龍樹雙經海藏中今日導師聞佛慧

始知前路化成

一作城

空

贈奉律上人

律公精於維摩經

知君學地厭多聞廣渡羣生出世氛飯色不應殊寶器

樹香皆遣入禪薰

戲贈慎微寺主道安上座三僧正

甘露灑空惟一味  
旃檀移植自成薰  
遙知暢獻分南北  
應用調柔致六羣

長安秋夜

內宮

一作官

傳詔問戎機  
載筆金鑿夜始歸  
萬戶千門皆

寂寂月中清  
露點朝衣

清冷池懷古

余別有序刻石

區圃

一作有

三百里常聞  
駟馬來旌旗  
朝甬道簫鼓  
燕平

臺追昔賦文雅  
從容遊上才  
竹園秋水淨  
風苑雪煙開



牛禍覺將發羊孫謀始回

羊勝公孫詭

袁絲徒伏劔長孺欲

成灰

韓安國

興廢由所感湮淪斯可哀空留故池鴈刷羽

尚徘徊

述夢詩四十韻

有序

去年七月溽暑之後驪降其夕五鼓未盡涼風淒  
然始覺枕簟微冷俄而假寐斯熟忽夢賦詩懷禁  
掖舊遊凡四十餘韻初覺尚憶其半經時悉已遺  
忘今屬歲杪無事羈懷多感因綴其所遺為述夢

詩以寄一二僚友

賦命誠非薄，良時幸已遭。君當克舜日，官接鳳皇曹。目

睇煙霄，闊心驚羽翼高。

此六句夢中作

倚梧連鶴禁，堦

一作堦

堦

接龍韜

內署北連春宮西接羽林軍

我后憐詞客

先朝曾宣諭卿等是我門客

吾

僚並雋髦，著書同陸賈。待詔比王褒，重價連懸

一作懸

壁

英詞淬寶刀，泉流初落澗

文賦稱言泉流於吻齒

露滴更濡毫，赤

豹欣來獻彤弓，喜暫橐

時西戎乞盟幽鎮二帥束身赴闕海內無事累月詩稱赤豹黃

羅蓋蠻貊之貢物

非煙含瑞氣，馴雉潔霜毛。靜室便幽獨，虛樓

散鬱陶

學士各有一室西垣有小樓時宴語於此

花光晨豔豔松韻晚騷騷

畫屏看飛鶴仙

一作山

圖見巨鼇

內署垣屏皆畫松鶴先是西屏畫海中曲龍山

憲宗曾欲臨幸中使懼而盜馬

倚

一作辰

簷陰藥樹落格

一作落

蔓蒲桃

此八

句悉是內署物色惟嘗遊者依然可想也

荷靜蓬池鱠冰寒郢水醪

每學士初上賜

食皆是蓬菜池魚鱠夏至後頒賜冰及燒香酒以酒味稍濃每和冰而飲禁中有郢酒坊也

荔枝

來自遠盧橘賜仍

一作常

叨先朝初臨御南方曾獻荔枝亦蒙頒賜自後以道遠罷獻

也麝氣隨蘭澤霜華入杏膏恩光惟覺重攜挈未為勞

此八句以述恩賜每有賜與常攜挈而歸

夕閱梨園騎宵聞禁仗燄

每梨園獵回或

抵暮夜院門  
常見歸騎

扇回交彩翟  
鵬起颺銀

一作金

條轡待素絲

攬書期蜀客  
操畫規常蹇蹇  
退食

一作舍

尚怵怵

此八句述內度

所覩 龜顧垂金鈕  
鸞飛

一作迴

曳錦袍

曾蒙賜錦袍曳者蓋取詩人不曳不婁之

義也 御溝楊柳弱  
天廡驪驪豪

學士皆蒙借飛龍馬

屢換青春直閒

隨上苑遨

普濟寺與芙蓉苑相連常所遊眺芙蓉亦謂之南苑也

煙低行殿竹風

折繞墻

一作垣

桃

此八句述休遊日遊戲

聚散俄成昔  
悲愁益自熬

每懷仙駕遠  
更望茂陵號  
地接三茅嶺  
川迎伍子濤

代稱

海濤是伍子  
憤氣所作

花迷瓜步暗  
石固蒜山牢

此兩句又是夢中所作

蘭

野凝香管梅洲動翠篙泉魚驚綵妓溪鳥避干旄感舊

心猶絕思歸首更搔無聊燃密炬誰復勸金舳余自到此絕無

夜宴酒器中大者呼為舳賓僚顧形迹未曾以此相勸嵐氣朝生棟城陰夜一作

入濠望煙歸海嶠送鴈渡江臯宛馬嘶寒櫪吳鉤在錦

笈未能追狡兔空覺長黃一作江蒿水國逾千里風帆過

萬艘閱川終古恨惟見暮滔滔

招隱山觀玉蘂樹戲書即事奉寄江西沈大夫

閣老

此樹吳人不識因予嘗玩乃得此名

玉藥天中樹金閨昔共窺落英閒舞雪密葉乍低帷

內署

沈大夫所居門前有此樹每花落空中回旋  
久之方集庭際大夫草詔之月皆邀予同玩  
舊賞煙霄  
遠前歡歲月移今來想顏色還似憶瓊枝

寄題惠林李侍郎舊館

棟宇非吾室煙山是我鄰百齡惟待盡一世樂長貧  
半壁懸秋日空林滿夕塵祇應雙鶴吊松路更無人

寄茅山孫鍊師

何地最翛然華陽第八天松風清有露蘿月淨無煙乍

警瑤壇竊時嘶玉樹蟬欲馳千里戀

一作思

惟有一

作戀

鳳

門泉

又三絕

石上谿蓀發紫茸  
碧山幽藹水溶溶  
菖花定是無人見  
春日惟應羽客逢

獨尋蘭渚翫遲暉  
閒倚松窗望翠微  
遙想春山明月曙  
曉一作玉壇清磬步虛歸

題竒石

石在浙西公署

蘊玉抱清輝閒庭日瀟灑塊然天地間自是孤生者  
送張中丞入臺從事

驛騎朝天去江城暝闕深夜珠先去握芳桂乍辭陰澤  
國三千里羈孤萬感心自嗟文廢久此曲為盧諶

懷京國

海上東風犯雪來臘前先折鏡湖梅遙思禁苑青春夜  
坐待宮人畫詔迴

追和太師顏

一本此下有魯字

公同

一作刻

清遠道士遊



虎丘寺

一作詩

茂苑有靈峰嗟余未遊觀藏山半

一作左

平陸壞谷為高

岸岡統數仞墻巖潛千丈幹乃知造化意回幹資竒玩

鏐騰昔虎踞劔沒嘗龍煥潭黛入海底崆峒聳霄半層

壘未升日衰狄寧知旦綠篠夏凝陰碧林秋不換冥搜

既窈窕回

一作迴

望何蕭散川晴

一作曉

嵐氣收江春雜英

亂逸人綴清藻前哲留篇翰共扣哀玉音皆舒文繡段

難追彥回賞徒起興公歎一夕如再升含毫星斗爛

東郡懷古二首

太和四年六月一日題

王京兆

河水昔將決衝波溢川潏崢嶸金堤下噴薄風雷音投  
馬災未弭為魚歎方深惟公執珪璧誓與身俱沉誠信  
不虛發神明宜爾臨湍流自此回咫尺焉能侵逮我守  
東郡悽然懷所欽雖非識君面自謂知君心意氣苟相  
合神明無古今登城見遺廟日夕空悲吟

陽給事

宋氏遠家

江一作

左豺狼滿中州陽君守滑臺終古垂英

猷數仞城既毀萬夫心莫留跳身入飛鏃免胄臨霜矛  
畢命在旗下僵尸橫道周義風激河汴壯氣淪山丘嗟  
爾抱忠烈古來誰與儔就烹感漢使握節悲陽秋顏子  
綴清藻鏗然如素琴徘徊望故壘尚想精魂遊

秋日登郡樓望贊皇山感而成詠

昔人懷井邑為有挂冠期

一本此字缺

顧我飄蓬者長隨泛

梗移越吟因病感潘鬢入秋悲北指邯鄲道應無歸去

時

雨後淨望河西連山愴然成詠

宿雨初收晚吹繁秋光極目自銷魂  
煙山北下歸遼海鴻鴈南飛出薊門  
只恨無功書史籍豈悲臨老事戎軒  
唯懷藥餌蠲衰病為惜餘年報主恩

秋日美晴郡樓閒眺寄荆南張書記

高檻涼風起清川旭景開秋聲向野去  
爽氣自山來霄外鴻初返簷間燕已歸  
不因煙雨夕何處夢陽臺

故人寄茶

劍外九華英，絨題下玉京。  
開時微月上，碾處亂泉聲。  
半夜邀僧至，孤吟對竹烹。  
碧流霞脚碎，香泛乳花輕。  
六腑睡神去，數朝詩思清。  
其餘不敢費，留伴讀<sub>一作</sub>書行。

奉送相公十八丈鎮揚州

一作和王播游故居感舊

千騎風生大旆舒，春江重到武侯廬。  
共懸龜印銜新綬，同憶鱸庭訪舊居。  
取履橋邊啼鳥換，釣璜溪畔落花<sub>一作</sub>

霞一作野初花踈來却笑臨邛客，入蜀空馳使者車。

題劔門

奇峰百仞懸清眺，出嵐煙迴若戈回。日高疑劔倚天參，  
差霞壁聳合沓翠屏連。想是三刀夢森然，在目前。

漢州月夕遊房太尉一作房公西湖

丞相鳴琴地，何年閉一作玉徽房公以好琴聞於四海偶因明月

夕重敞故樓扉，桃柳谿空在芙蓉。客暫依南史安陸侯與王仲寶長

史庾果之書稱泛淥誰一作憐濟川楫長，與夜舟歸

重題

晚日臨寒渚微風發權謳鳳池波自闊

一作闊

魚水運難

留亭古思宏棟川長憶夜

一作濟

舟想公高世志祇似冶

一作化城遊

房公舊竹亭聞琴緬慕風流神期如在

一作對因

重題此作

流水音長在青霞意不傳獨悲形解後誰聽廣陵絃

憶金門舊遊奉寄江西沈大夫

東望滄溟路幾重無因白首更相逢已悲泉下雙琪樹

韋中令武元  
昌皆已淪沒

又惜天邊一臥龍

杜西川謫官南海

人事升沉纔

十載宦遊漂泊過千峰  
思君遠寄西山藥

大夫嘗鎮鍾陵兼好金丹

術之歲暮相期向赤松

早入中書行公主冊禮事畢登集賢閣成詠

明星入東陌燦燦光層宙皎月映高梧輕風發涼候金  
門列葆吹鐘室傳清漏簡冊自中來貂黃忝宣授更登  
天祿閣極眺終南岫遙羨高山翁閑歌紫芝秀晨興念  
始一作辱夕惕思致寇傾奪非我心悽然感田實



題羅浮石

刻於石上

清景持芳菊涼天倚茂松名山何必去此地有羣峰

重過列子廟追感頃年自淮服與居守王僕射  
同題名於廟壁僕射已為御史余尚布衣自後  
俱列紫垣繼遊內署兩為夏官之代復聯左揆  
之榮荷寵多同感涕何極因書四韻奉寄

白首過遺廟朱輪入故城已慚聯左揆猶喜抗前旌  
屢忘年舊彈冠久要情重看題壁處豈羨棄繻生

遙傷茅山縣孫尊師三首

蟬蛻遺虛白，蛻飛入上清。  
同人悲劔解，舊友覺衣輕。  
黃鵠遙將舉，斑麟儼未行。  
惟應鮑靚室中夜，識琴聲。

金格期初至，臙輪去不停。  
山摧武擔石，矢墮少微星。  
弟子悲徐甲，門人泣蔡經。  
空聞留玉舄，猶在阜鄉亭。

空宇留丹竈，層霞被羽衣。  
舊山聞鹿化，遺舄尚鳧飛。  
數日竒香在，何年白鶴歸。  
想君旋下淚，一作遊方款里閭。

扉

尊師是桃源黃先生傳法弟子常見尊師稱先

師靈迹今重賦此詩兼寄題黃先生舊館

後學方成市吾師又上賓

今茅山宮觀道士並是先生弟子

洞天應不

夜源樹祇如春

此並述桃源事

棋客留童子

瞿山童即先生弟子桃源得仙人棋

子載在傳記

山精避直神

先生初至茅山童子觸法坐有聲先生疑山神所為書符召至之其

靈異如此矣

無因握石髓及

一作分

與養生人

僕射相公偶話於故集賢張學士廳寫得德裕

與僕射舊唱和詩其時和者五人惟僕射與德

裕皆列高位淒然懷舊輒獻此詩

賦感鄰人邃詩留夫子墻延年如有作應不用山王

顏延

年五君詠山濤王戎以貴不得列於五君之數

惠泉

茲泉由太潔終不畜纖鱗到底清何益含虛勢自貧明

璣

一作珠

難秘彩美玉詎潛

一作藏

珍未及黃陂量滔滔豈

有津

無題

松倚蒼崖老蘭臨碧洞一作衰不勞隣舍遂吹起舊時

悲

題冠蓋里

在襄州南  
大山下

偶來冠蓋里媿是舊三公自喜無兵術輕裘上闕宮

離平泉馬上作

一作離東  
都平泉

十年紫殿掌洪鈞出入三朝一品身文帝寵深陪雉尾

武皇恩厚

一作  
重

宴龍津黑山永破和親虜烏嶺全阮跋

危臣自是功高臨盡處禍來明滅不由人

謫嶺南道中作

嶺水爭分路轉迷  
枕榔椰葉暗蠻溪  
愁衝毒霧逢蛇草  
畏落沙蟲避燕泥  
五月畬田收火米  
三更津吏報潮雞  
不堪腸斷思鄉處  
紅槿花中越鳥啼

到惡溪夜泊蘆島

甘露花香不再持  
遠公應怪負前期  
青蠅豈獨悲虞氏  
黃犬應聞笑李斯  
風雨瘴昏蠻日月  
煙波魂斷惡溪時  
嶺頭無限相思淚  
泣向寒梅近北枝

登崖州城作

獨上高樓望帝京，鳥飛猶是半年程。  
青山似欲留人住，一作也恐百匝千遭遶郡城。  
人歸去

鴛鴦篇

君不見昔時同心人，化作鴛鴦鳥和鳴。  
一夕不暫離交頸，千年尚為少。  
二月草菲菲，山櫻花未稀。  
金塘風日好，何處不相依。  
既逢解佩游女，更值凌波宓妃。  
精光搖翠蓋，麗色映珠璣。  
雙影相伴，雙心莫違。  
淹留碧沙上，蕩漾

洗紅衣春光分宛轉嬉遊方未反宿莫近天泉池飛莫  
近長洲苑爾願歡愛不相忘須去人間羅網遠南有瀟  
湘洲且為千里遊洞庭無苦寒沅江多碧流昔為薄命  
妾無日不含愁今為水中鳥頡頏自相求洛陽女兒在  
青閣二月羅衣輕更薄金泥文彩未足珍畫作鴛鴦始  
堪著亦有少婦破瓜年春閨無伴獨嬋娟夜夜學織連  
枝錦織作鴛鴦人共憐悠悠湘水濱清淺漾初蘋菖花  
發豔無人識江柳逶迤空自春唯憐獨竊依琴曲更念



孤鸞隱鏡塵願作鴛鴦被長覆有情人

南梁行

和二十  
二兄

江南鬱鬱春草長悠悠漢水浮清光  
雜英飛盡空和景  
綠楊陰重官舍靜此時醉客縱橫書  
公言可薦承明廬  
青天詔下寵光至頒籍金閨徵石渠  
重歸山路煙嵐隔  
巫山未深晚花折澗底紅光奪目  
一作  
日燃搖風有毒愁  
行客杜鵑啼咽花亦殷聲悲絕豔連  
空山斜陽瞥映淺  
深樹雲雨翻迷崖谷間山鷄錦質矜  
毛羽透竹穿蘿命

儔侶喬木幽谷上下同雄雌不異飛棲處望秦峰迴過  
商顏浪疊雲堆萬簇山行盡杳冥青嶂外九重鐘漏紫  
雲間元和列侍明光殿諫草初焚市朝變北闕趨臣牛  
隤塵南梁笑容皆飛霰追思感歎却昏迷霜鬢愁吟到  
曉雞故園歲深開斷簡秋堂月曉掩遺桂嗚嗚曉角霞  
輝粲撫劔當楹一長歎芻狗無由學聖賢空持感激終  
昏旦

近於伊川卜山居將命者畫圖而至欣然有感

聊賦此詩兼寄上浙東元相公大夫使求青田

胎化鶴

乙巳  
歲作

弱歲弄詞翰遂叨明主恩懷章過越邸建旆守吳門西  
圯陰難駐東臯意尚存慙逾六百石愧負五千言寄世

知

一作  
如

嬰繳辭榮類觸藩欲追綿上隱况近子平村邑

有桐鄉愛山餘叅谷暄既

一作  
雖

非逃相地乃是故侯園

野竹多微逕巖泉豈一源映池方

一作  
芳

樹密傍澗古藤

繁叩杖堪扶老黃牛已服轅只應將唳鶴幽谷共翩翻

憶平泉山居贈沈吏部一首

中書作

昔聞羊叔子茅屋在東渠豈不念歸路徘徊畏簡書乃  
知軒冕客自與田園踈歿世有遺恨精誠何所如嗟予  
寡時用夙志在林間雖抱山水癖敢希仁智居清泉繞  
舍下修竹蔭庭除幽徑松蓋密小池蓮葉初從來有好  
鳥近復躍儵魚少室映川陸鳴臯對蓬廬張何舊寮窠  
予與吏部乃相勉在懸輿常恐似伯玉瞻前慙魏舒  
金門寮故也

夏晚有懷平泉林居

宜春作

孟夏守畏途捨舟在徂暑愀然何所念念我龍門塢密  
竹無蹊徑高松有四五飛泉鳴樹間颯颯如度雨菌桂  
秀層嶺芳蓀媚幽渚稚子候我歸衡門獨延佇誰言聖  
與哲曾是不懷土公旦既思周宣尼亦念魯矧余竄炎  
裔日夕誰晤語眷閔悲子牟班荆感椒舉悽悽視環玦  
惻惻步庭廡豈待莊舄吟方知倦羈旅

早秋龍興寺江亭閒眺憶龍門山居寄崔張舊

從事

宜春  
作

江亭感秋至  
蘭徑悲露泣  
秔稻秀晚川  
杉松鬱一作蔚  
晴一作晴

獻嗟予有林  
壑茲夕念原

一作繁

行綠篠一作竹

連嶺多青

莎近溪淺淵  
明菊猶在仲  
蔚蒿莫翦喬  
木粲凌茗一作霄

一作霄

陰崖積幽蘚  
遙思伊川水  
北渡龍門峴  
蒼翠雙闕間  
逶

迤清灘一作溪

轉故人在鄉國  
歲晏路悠緬  
惆悵此生涯

無由共登踐

比聞龍門敬善寺有紅桂樹獨秀伊川嘗於江

南諸山訪之莫致陳侍御知予所好因訪剡溪

樵客偶得數株移植郊園衆芳色沮乃知敬善

所有是蜀道茵

一作茵

草徒得嘉名因賦是詩兼

贈陳侍御

金陵作

昔聞紅桂枝

一作樹

獨秀龍門側越叟遺數株周人未嘗

識平生愛此樹攀翫無由得君子知我心因之為羽翼

豈煩嘉客譽且就清陰息來自天姥夸長疑

一作疑

翠嵐

色芬芳世所絕偃蹇枝漸直瓊葉潤不凋珠英粲如織

猶疑翡翠宿想待鷓鴣

一作鷓鴣

食寧止暫淹留終當更封

植

懷山居邀松陽子同作

我有愛山心如飢復如渴出谷一年餘常疑十年別春  
思巖花爛夏憶寒泉冽秋憶泛蘭卮冬思翫松雪晨思  
小山桂暝憶深潭月醉憶剖紅梨飯思食紫蕨坐思藤  
蘿密步憶莓苔滑晝夜百刻中愁腸幾回絕每念羊叔  
子言之豈常輟人生不如意十乃居七八我未及懸輿  
今猶佩朝紱焉能逐麋鹿便得遊林樾范恣滄波舟張



懷赤松列惟應詎身恤豈敢忘臣  
即器滿自當敬物盈  
終有缺從茲返樵徑庶可希前哲

思歸赤松村呈松陽子

昔人思避世惟恐不深幽禽慶潛名岳  
鷓夷漾釣舟顧  
余知止足所樂在歸休不似尋山者  
忘家恣遠遊

近臘對雪有懷林居

蓬門常晝掩竹徑寂無人鳥起飄  
松霰麝行動谷榛應

知一作惟應

禽魚侶合

一作得

與薜蘿親遙憶平臯望溪煙已

發春

思山居一十首

清明

一作寒食

後憶山中

遙思寒食後野老林下醉月照一山明風吹百花氣飛  
泉與萬籟鬢疑簫吹不待曙華分已應喧鳥至

題寄商山石

綺皓巖中石嘗經伴

一作坐

隱淪紫芝呈

一作餘

幾曲紅蘚

悶于春聊用支琴尾寧惟倚病身自知來處所何暇問

巖邊

憶種菘時

尚平方畢娶疎廣念歸期澗底松成蓋簷前桂長枝徑  
閒芳草合山靜落花遲雖有菘園在無因及種時

春日獨坐思歸

壯齡心已盡孤賞意猶存豈望圖麟閣惟思臥鹿門無  
謀堪適野何力可拘原只有容一作容身去幽山自灌園

思登家山林嶺

自知無世用只是愛山遊  
舊有嵇康嬾今慙趙武偷  
登巖未覺疾泛水便忘憂  
最惜殘筋力捫蘿遍一丘

思鄉園老人

常羨華門翁所思惟歲稔  
遙知松月曙尚在山窗寢  
蘭氣入幽簾禽言傍孤枕  
晨興步巖徑更酌寒泉飲

寄龍門僧

龍門有開士愛我春潭碧  
清景出東山間來翫松石  
應憐林逖主遠作滄溟客  
為我謝此僧終當理歸策

憶藥田

溪上藥苗齊，丰茸正堪掇。皆能扶我壽，豈止堅肌骨。味

掩商山芝，英逾首陽蕨。豈如甘谷士，只得香泉啜。

南陽甘谷

有菊水是胡廣飲者

憶村中老人春酒

有劉揚二史善釀

二叟茅茨下，清晨飲濁醪。雨殘紅芍藥，風落紫櫻桃。巢燕銜泥疾，蒼蟲挂網高。閒思春谷事，轉覺宦途勞。

憶葛勝

一作藤

木禪床

憶我齋中榻寒宵幾獨眠管寧穿亦坐徐孺去常懸蟲  
網垂應遍苔痕染更鮮何人及身在歸對老僧禪

初夏有懷山居

山中有所憶夏景始清幽野竹陰無日巖泉冷似秋翠  
岑當累榭皓月入輕舟只有思歸夕空簾且夢遊

張公超谷中石

鼓篋依綠槐橫經起秋霧有時連岳客尚辦絃歌處自  
予去幽谷誰人襲芳杜空留古苔石對我巖中樹

初歸平泉過龍門南嶺遙望山居即事

初歸故鄉陌極望且徐輪近野樵蒸至平泉煙火新農  
夫饋雞黍漁子薦霜鱗惆悵懷楊僕慚為關外人

伊川晚眺

桑葉初黃梨葉紅伊川落日盡無風漢儲何假終南客  
角里先生在谷中

潭上喜見新月

簪組十年夢園廬今夕情誰憐故鄉月復映碧潭生皓

彩松上見寒光波際輕還將孤賞意暫寄玉琴聲

郊外即事寄侍郎大尹

高秋慙非隱閒林喜退居老農爭席坐稚子帶經鋤竹  
徑難迴騎仙舟但跂予豈知陶靖節祇自愛吾廬

山居遇雪喜道者相訪

幽居近谷西喬木與山齊野竹連池合巖松映雪低喜  
君來白社值我在青谿應笑於陵子遺榮自灌畦

雪霽晨起



雪覆寒溪竹風卷野田蓬四望無行跡誰憐孤老翁

洛中士君子多以平泉見呼愧獲方外之名因  
以此詩為報奉寄劉賓客

非高柳下逸自愛竹林閒才異居東里愚因在北山徑  
荒寒未掃門設晝長關不及鷓鴣子悠悠煙水間

早春至言禪公法堂憶平泉別業

金陵作

昔我伊原上孤遊竹樹間人依紅桂靜鳥傍碧潭閒松  
蓋低春雪藤輪倚暮山永懷桑梓邑衰老若為還

峽山亭月夜獨宿對櫻桃花有懷伊川別墅

金陵

作

皎月照芳樹鮮葩含素輝  
愁人惜春夜達曙想巖扉  
風靜陰滿砌露濃香入衣  
恨無金谷妓為我奏思歸

春暮思平泉雜詠二十首

自此並淮南作

望伊川

遠村寒食後細雨度川來  
芳草連谿合梨花映墅開  
槿籬懸落照松徑長新苔  
向夕亭臯望遊禽幾處回

潭上紫藤

故鄉春欲盡一歲芳難再巖樹已青葱  
吾廬日堪愛幽溪人未去芳草行應礙  
遙憶紫藤垂繁英照潭黛

書樓晴望

幽居人世外久厭市朝喧蒼翠連雙闕  
微茫認九原

東望

盡見萬安山南名臣丘龍殘紅一作虹映鞏樹斜日照轆轤薄暮柴扉

掩誰知仲蔚園

西嶺望鳴臯山

高秋對涼野四望何蕭瑟遠見鳴臯山青峰原上出晨  
興採薇蕨向暮歸蓬華詎假數揮金餐和養餘日

瀑泉亭

向老多悲恨悽然念一丘巖泉終古在風月幾年遊  
閣饒佳樹菱潭有釣舟不如羊叔子名與峴山留

紅桂樹

此樹白花紅心因以為號

欲求塵外物此樹是瑤林後素合餘絢如丹見本心妍  
姿無點辱芳意託幽深願以鮮艷色凌霜照碧潯

金松

出天台山  
葉帶金色

台嶺生奇樹佳名世未知  
纖纖疑大菊落落是松枝  
照日含金晰籠煙淡翠滋  
勿言人去晚猶有歲寒期

月桂

出蔣山  
淺黃色

何年霜夜月桂子落寒山  
翠幹生巖下金英在世間  
幽崖空自老清漢未知還  
惟有涼秋夜嫦娥來暫攀

山桂

此花紫色  
英藻繁縟

吾愛山中樹繁英滿目鮮  
臨風飄碎錦映日亂非煙  
影

入春潭底香凝月樹前  
豈知幽獨客賴此當朱絃

栢別樹經霜暫紅惟此栢枝葉盡  
栢丹四時一色一本題作朱栢

聞有三株樹惟應秘閨風  
珊瑚不生葉朱草又無叢  
未若凌雲栢常能終歲紅  
晨霞與落日相照在巖中

芳蓀

生茅山東溪陶隱居謂之  
溪蓀花紫色生淺水中

楚客重蘭蓀遺芳今未歇  
葉抽清淺水花照暄妍  
節紫豔映渠鮮輕香含露潔  
一作結一作發離居若有贈  
暫與幽人

折

流盃亭

激水自山椒  
析波分淺瀨  
回環疑古篆  
詰曲如縈帶  
寧  
翹羽觴遲惟歡  
一作貪親友會欲知  
中聖處皓月臨松蓋

東谿

近蓄東谿水  
悠悠起淶波  
綠鴛留不去  
芳草日應多  
夾  
岸生竒篠  
緣巖覆女蘿  
蘭橈思無限  
為感濯纓歌

鷓鴣

清江雙鷓鴣  
前年海上雛  
今來戀洲嶼  
思若在江湖  
欲

起搖荷蓋閒飛濺水珠不能常泛泛惟作逐波鳧

西園

西園最多趣永日自忘歸石瀨流清淺風岑澹翠微  
曉翻紅藥豔晴裊碧潭輝獨望娟娟月宵分半掩扉

海石楠

昔見歷陽山雞籠已孤秀今看海嶠樹翠蓋何幽茂  
霰雪詎能侵此樹枝葉密霜雪不侵煙嵐自相揉攀條獨臨憇  
况值

清陰晝



雙碧潭

清剌與巖湍潺湲皆可憶適來玩山水無此秋潭色莫辨幽蘭叢難分翠禽翼遲遲洲渚步臨眺忘餐食

竹徑

野竹自成徑繞溪三里餘檀欒被層阜蕭瑟蔭清渠日落見林靜風行知谷虛田家故人少誰肯共焚魚

花藥欄

花藥四時相續常可留說

蕙草春已碧蘭花秋更紅四時發英豔三徑滿芳叢秀

色濯清露鮮輝搖惠風王孫未知返幽賞竟誰同

自叙

非尚子遍遊五嶽

五嶽徑雖深遍遊心已蕩苟能知止足所遇皆清曠七十難可期一丘乃微尚遙懷少室山常恐非吾望

首夏清景想望山居

一本此下有贈慕僚三字

嘉樹陰初合山中賞更新禽言未知夏蘭徑尚餘春散滿蘿垂帶扶疎桂長輪丹青寫不盡宵夢歎非真累榭空留月虛舟若待人何時倚蘭棹相與掇汀蘋

思平泉樹石雜詠一十首

釣臺

我有嚴湍思懷人訪故臺客星依釣隱仙石逐槎回倒  
影含清泚凝陰長碧苔飛泉信可挹幽客未歸來

似鹿石

林中有竒石髣髴獸潛行乍似依巖柱還疑食野草茸  
長綠蘚映斑細紫苔生不是見羈者何勞如頓纓

海上石筍

常愛仙都山竒峰千仞懸迢迢一何迴不與衆山連忽  
逢海嶠石稍慰平生憶何以慰一作似我心亭亭孤且直

疊石

此石韓給  
事所遺

潺湲桂水湍激石多竒狀鱗次冠煙霞蟬聯疊波浪今  
來碧梧下迴出秋潭上歲晚苔蘚滋懷賢益惆悵

重臺芙蓉

芙蓉含露時秀色波中溢玉女襲朱裳重重映皓質晨  
霞耀丹景一作紫片片明秋日蘭澤多衆芳研姿不相匹

白鷺鷥

余心憐白鷺潭上日相依  
拂石疑星落凌風似雪飛  
碧沙常獨立清景自忘歸  
所樂惟煙水徘徊戀釣磯

海魚骨

昔日任公子期年釣此魚  
無由見成岳聊喜識專車  
皎皎連霜月高高映碧渠  
陶潛雖好事觀海只披圖

泛池舟

桂舟蘭作柁芬芳皆絕世  
只可弄潺湲焉能濟大川  
樹

懸涼夜月風散碧潭煙未得同漁子菱歌共扣舷

舴艋舟

無輕舴艋舟始自鴟夷子雙闕挂朝衣五湖極煙水時  
遊杏壇下乍入湘川裏永日歌濯纓超然謝塵滓

二猿

釣瀨水漣漪富春山合沓松上夜猿鳴谷中清響合衝  
網忽見羈故山從此辭無由碧潭飲爭接綠蘿枝

思在山居日偶成此詠邀松陽子同作

閒思昔歲事忽忽念伊川乘月

一作興

步秋坂滿山聞石

泉回塘碧潭映高樹綠蘿懸露下叫田鶴風來嘶晚蟬  
懷茲長在夢歸去且無緣幽谷人未至蘭茗應更鮮

### 重憶山居六首

#### 平泉源

出谷纜浮芥中園已濫觴逶迤過竹塢浩淼走蘭塘夜  
靜聞魚躍風微見鴈翔從茲東向海可泛濟川航

#### 泰山石

兗州從事所寄

雞鳴日觀望遠與扶桑對

一作外

滄海似鎔金衆山如點

黛遙知碧峰首獨立煙嵐內此石依五松蒼蒼幾千載

### 巫山石

十二峰前月三聲猿夜愁此中多怪石日夕漱寒流必

是歸星渚先求歷斗牛

揚州是斗牛分

還疑煙雨霽髣髴是嵩

### 丘

### 羅浮山

番禺連帥所遺

龍伯釣鼇時蓬萊一峰坼

裴淵廣州記羅浮山是蓬萊邊山浮來

飛來碧



海畔遂與三山隔其下多長溪

茅君內傳山下有七十二長溪

潺湲淙

亂石知君分

一作介

如此贈逾荆山壁

漏潭石

魯客見遺

常疑六合外未信漆園書及此聞溪漏方欣驗尾閭大  
哉天地氣呼吸有盈虛美石勞相贈瓊瑰自不如

釣石

於谿人處求得

巖光隱富春山色谿又碧所釣不在魚揮綸以自適余  
懷慕君子且欲坐潭石持此返伊川悠然慰衰疾

懷伊川郊居

衰疾常懷土，郊園欲掩扉。雖知明日一作日地不及有身。

歸鞏樹秋陰，遍伊原霽色。微此生看白首，良願已應違。  
晨起見雪憶山居

忽憶巖中雪，誰人拂薜蘿。竹梢低未舉，松蓋偃應多。山溜隨冰落，林麇帶霰過。不勞聞鶴語，方奏苦寒歌。

憶平泉雜詠

憶初暖

今日初春暖山中事若何雪開喧鳥至澌散躍魚多幽

翠生松栝

一作栝

輕煙起薜蘿柴扉常晝掩惟有野人過

憶辛夷

余赴金陵日  
辛夷欲開

昔年將出谷幾日對辛夷倚樹憐芳意攀條惜歲滋清  
陰須暫憇秀色正堪思只待揮金日慙慙泛羽卮

憶寒梅

寒塘數樹梅常近臘前開雪映綠巖竹香侵泛水苔遙  
思清景暮還有野禽來誰是攀枝客茲辰醉始迴

憶藥欄

野人清旦起掃雪見蘭芽始畎春泉入惟愁暮景斜未  
抽萱草葉纔發欸冬花誰念江潭老中宵旅夢賒

憶茗芽

谷中春日暖漸憶掇茶英欲及清明火能銷醉客醒松  
花飄鼎泛蘭氣入甌輕飲罷閒無事捫蘿溪上行

憶野花

余未嘗春  
到故園

雖遊洛陽道未識故園花曉憶東谿雪晴思冠嶺霞谷

深蘭色秀村迴柳陰斜  
悵望龍門晚誰知小隱家

憶春雨

春鳩鳴野樹細雨入池塘  
潭上花微落溪邊草更長  
梳風白鷺起拂水綵鴛翔  
最羨歸飛燕年年在故鄉

憶晚眺

伊川新雨霽原上見春山  
緱嶺晴虹斷龍門宿鳥還  
牛羊平野外桑柘夕煙間  
不及鄉園叟悠悠盡日間

憶新藤

遙聞碧潭上春晚紫藤開水似晨霞照林疑綵鳳來清  
香凝島嶼繁豔映莓苔金谷如相並應將錦帳回

憶春耕

郊外杏花坼林間布穀鳴原田春雨後谿水夕流平野  
老荷蓑至和風吹草輕無因共沮溺相與事巖耕

余所居平泉村舍近蒙韋常侍大尹特改嘉名  
因寄詩以謝

未謝留侯疾常懷仲蔚園閒誼紫芝曲歸夢赤松村忽

改蓬蒿色俄吹黍谷暄多慙孔北海傳教及衡門

山信至說平泉別墅草木滋長地轉幽深悵然  
思歸復此作

忽聞樵客語暫慰野人心幽徑芳蘭密閒庭秀木深  
麇來澗底鳧鵠遍川潯誰念滄溟上歸歟起歎音

臨海太守惠予赤城石報以是詩

聞君採竒石剪斷赤城霞潭上倒虹影波中搖日華  
仙巖接絳氣谿路雜桃花若值客星去便應隨海槎

上巳憶江南禊事

黃河西繞郡城流  
上巳應無被禊遊  
為憶淶江春水色  
更無宵夢向吳州

北固懷古

自有此山川於今幾太守  
近世二千石畢公宣化厚  
丞相相量納川平陽氣衝斗  
三賢若時雨所至躋仁壽

畢構政事

為開元第一陸丞相象先  
平陽齊幹三賢皆為此郡

汨羅



遠謫南荒一病身  
停舟暫弔汨羅人  
都緣新尚圖專國  
豈是懷王厭直臣  
萬里碧潭秋景靜  
四時愁色野花新  
不勞漁父重相問  
自有招魂拭淚巾

嶺外守歲

一作李福業詩

冬逐更籌盡  
春隨斗柄回  
寒暄一夜隔  
客鬢兩年催  
訪韋楚老不遇

昔日徵黃綺  
余慚在鳳池  
今來招隱士  
恨不見瓊枝

題柳郎中故居

下馬荒堦日欲曛  
潺潺石溜靜中聞  
鳥啼花發人聲絕  
寂寞山窗掩白雲

盤陀嶺驛樓

嵩火心期杳莫攀  
好山聊復一開顏  
明朝便是南荒路  
更上層樓望故關

句

檢經求綠字  
憑酒借紅顏  
君不見秋山寂  
歷風颺歇  
半夜青崖吐明月  
寒光乍出松篠間  
萬籟蕭蕭從此發

忽聞歌管吟朔風精魂想在幽巖中

霜夜聽小童  
薛陽陶吹笛

銀

花懸院榜神撼引鈴絛

題學士院

歲蕤輕風裏若銜若垂

何可擬

以上並事  
文類聚

自從一夢高唐後可是無人勝楚

王

賦巫山神女  
見雲溪友議

牛羊具特俎

武昌詩見  
東觀餘論

心悟覺身

勞雲中棄寶刀久閒生脰肉多壽長眉毫

有懷甘露寺  
自省上人京

志口

書空蹠足睡路險側身行

德裕嘗吟此句云是先  
達詩附記見桂苑叢談

誰家幼女敲筓歌何處丁妻點燈織

魚蝦集橋市

以下並海  
錄碎事

休咎占人甲挨持見天丁

洛下推年少

山東許地高 世上文章士誰為第一人  
老生誇隱拙 時輩毀尖新  
澗深寒泉深百尺 奇觚率爾操諷諫  
欣然納

御定全唐詩卷四百七十五

謹案卷四百七十五第二十一頁後一行張懷赤  
松列按會昌一品集懷作惟





總校官庶吉士臣張能照

校對官庶吉士臣翟槐

謄錄監生臣馬植基